




PONTIFICIA
UNIVERSIDAD
CATÓLICA
DE CHILE

Küdaw dungun
Dungun
filkerumekimün UC

Oktufüre, 2022

Küdaw dungun
Dungun
fillkerumekimün UC



PENTUKUN

Mari Mari kom pu che:

Ayiwküleĩn taiñ pewfalafiel feytachi **Dungun fillkerumekimün UC**. Feytachi rakiduam chollüy taiñ feyentunmew, universidad müley taiñ küdawam taiñ müleam kiñe we kintun universidad mongen mew, falintungeam fillke rume kimün kiñe trokin kimün mew.

Feyentuiñ fillkerumekimün, fey ta llamuwün ka püramllefiel fillke trokin kimün, kom che taiñ falin mew, chew püle rume tuwle, chem tuwun rume niele, tunten tripantu rume niele, chew mapu rume tuwle ka chem feyentun rume niele. Feytachi fillkerumekimün feypiley, kom pu che mülelu chem trokin mew, fey niey taiñ falintun nütramkawle engün. Feytachi traffintu nütram mew, küme nütram mew, adelkapuy kiñe fill mongen.

Pukintunielu inchiñ taiñ küdaw, kiñe trokin iglesia mew tuwlu, kimeltupefilu ta che, ka amulniefilu ta kimün kuyfi mew, ka fantepu, pu weke che mew amulniealu feytachi país, feypiaellinmew taiñ küdawal feytachi dungun mew, taiñ anülafiel kiñe doy poyen rakiduam, kom pu che taiñ falintungeam. Fey mew kompalu tripantu 2021, amulniefiyiñ feytachi programa Fillkerumekimün UC chew taiñ mülemum fillke küdaw, fillke rakiduam ka fillke kimün adentuam tati universidad.

Feytachi küdaw, dewmay 84 che mülelu fillke trokin mew, universidad mew, feytamew kompay 18 facultades, Campus Villarrica, tati programa College, tati Centro de Estudios Interculturales e Indígenas (CIIR), tati Pastoral UC ka fillke che küdawkelu kom vicerrec-toría mew, Dirección Superior mew.

Mañumfiyiñ kom pu che tukupalu taiñ küdaw taiñ trokiñ universidad mew, pu chillkatufe, pu kimelfe, kom pu che küdawkülelu faw.

Mangelfiyiñ kom pu che taiñ konal feytachi trokin dungun mew, taiñ wechulerpual taiñ kimün.

Ignacio Sánchez D.

Rector

Pontificia Universidad Católica de Chile

Roberto González G.

Director Programa Interculturalidad UC

Escuela de Psicología

Pontificia Universidad Católica de Chile





KÜDAW DUNGUN

Feytachi fillkerumekimün dungun mülelu UC mew tuwi tati nütram nentulu tati Papa Francisco, küpalu fillke Apostólicas ka Encíclicas dungun mew, chew tañi falintungeken kom trokiñ kimün. Tati Santo Padre, tañi nütram Foro Social Mundial de las Migraciones México mew (2018), feypi tañi dungun, llongeay kom pu trokinche, llimengeay ka allkütunmangeay kom tañi duam. Feytachi dungun nütramkapay fachantü tañi chumngechi amulen tañi país, fantepu mülepalu fillke trokin che.

Fantepu inalechi tripantu mew, Chile mapu falintupay tañi tuwun. Kiñe 20% inche küpan kiñe pueblo originario mew piley, ka trokiñ mollfün che, ka fey. Adkintuniel feytachi Iglesia tañi rakiduum ka tati Trokiñ UC, niey kiñe rüpu chew tañi kimeltukefiel ta che, püramlleniekelu kimün. Fey mew kiñe küdaw wechulu feytachi dungun mew, witrampay kiñe küdaw chew tañi falintungeam kom pu che, tañi nieal kiñe rume falin nütram. Fey tañi uneleam.

Feyentuiñ fillkerumekimün, fey ta llamuwün ka püramlliefiel fillke trokin kimün, kom che tañi falin mew, chew püle rume tuwle, chem tuwun rume niele, tunten tripantu rume niele, chew mapu rume tuwle ka chem feyentun rume niele. Feytachi fillkerumekimün feypiley, kom pu che mülelu chem trokin mew, fey niey tañi falintun nütramkawle engün. Feytachi traffintu nütram mew, küme nütram mew, adelkapuy kiñe fill mongen.

Femechi reke chumechi tañi amulen che fillke trokin mapu mew, adentuiñ feytachi programa tañi kellual tañi küdaw mew, chumngechi felen ka tañi chem nieal, chumngechi tañi trürüwam, tañi wulam ka tañi llowal. Fillkerumekimün elueyinmew kiñe küme mongen tañi kim allkütual, pepi adümfalal kake rume trokin kimün: Chumechi tañi kintuken ta dungun ka chumechi tañi trür küleken ponwi ka wekun universidad mew. Tati fillkerumekimün, lülay kiñe rüpu tañi feyentuam fillke rume kimün mew.

Kom feytachi kümeke rakiduum mew, llitulu tripantu 2021, püraley feytachi dungun. Ngüneduamniengey tañi püramllengeal fillke küdaw, rakiduum mew, newenmew, tañi mongealam rupalele tripantu. Müley feytachi fillketrokinkimün tañi kintual:

1. Müleal fillke trokin chillkatufe pre ka postgrado mew, kimelfe ka kelluchepelu fillke trokin küdaw mew, universidad mew.
2. Newentuam kimeltun, inarumen, políticas públicas küdaw ka trüram trokin mapu mew, fillke nütram tripapalu fillkerumekimün mew.
3. Newentuam universidad mongen, nütram mew, falintuwun mew fillke trokin mew, académico ka social, artístico ka kultural.
4. Amulngeam fillke trokin kimün, pu kimelfe tañi küdaw ka kidu tañi chumechi kemeltuken che kake trokiñ mew, UC reke femnulu.

Feytachi troy dungun amulküley kom universidad mew ka kom trokiñ che mew, fill trokiñ tuwlu, chew tañi küdawkemum mew, kintupel kiñe küme ad mongen, rangi nütram mew ka kiñe küme ad mongen mew. Tañi trokiñ mew müley pu chillkatufe, küdawfe, kimelfe, fill trokiñche mew tuwlu. Fey mew müley unelechi che, pu afro chilenu che, ka kama pu tuwchi che.

Feytachi troy dungun mew, konküley tañi chumngechi amuleal küdaw UC mew tripantu

2020-2025, feytamew küdawi fillke che mülelu universidad mew, kompay 18 facultades, Campus Villarrica, College ka fillke trokin Dirección Superior mew mülelu ka tati Centro de Estudios Interculturales e Indígenas CIIR.

Feytachi trokin dungun mew konküley kayu troy dungun. Unelu mew, tañi doy konal fillke che universidad mew, müte ngenam ñi amutun engün pu wechekeche küpalu kiñe mapu tuwun mew ka tuwlu kake trokin mapu mew, müley tati troy dungun **“Konam”** feytamew doy alün che kompayay universidad mew, ñochikechi doy akuay. fey ula ka müley tati **“Llidmewun ka kelluwun”**, feyta keyupayay chillkatuam pu wechekeche ka tañi doy küme duamal universidad mongen mew. kangelu dungu ta **“Püramün kimelfe”**, feyta mew müleay tañi kompañgeal ka müleam kimelfe tuwlu kake trokin che mew. fey engün konafuy kiñe trokin doctorado mew, tañi pewfaluwal tañi falin engün. kangelu trokin ta **“Kompayal”** feyta tañi konal universidad mew, tañi küdawal engun, pu kimelfe ka trokin tuwlu. femechi falintungeay fillke trokin kimün. kangelu dungu ta **“Küme akuam”** feytachi dungun müleay kom trokin mew, tañi küme konal engün universidad mew, fillke dungun mew, social, académico ka artístico, müleam kiñe küme ad mongen.

Kom feytachi küdaw konkülelu fillke trokin mew, pukintungeay fey fillke tripantu nütramkangeay chuchi tati doy kümey tañi unelngeam, chem pile tati unelechi che universidad mew, ka femechi tunten rang mülele. Ñochikechi fill tripantu amulay tañi tremün feytachi trokin küdaw. Kom feytachi küdaw fillke tripantu nütramkayay feychi küdaw mew tripapalu Prorectoría mew, kom pu Vicerrectoría, Facultades ka Unidades Académicas feyta reke: Política inclusión VRA, rüpu Equidad Intercultural VRA, Internacionalización ruka mew VRAI, Aula de Arte Nuestros Pueblos Originarios VRCEC, tati Dirección Artes y Cultura VRI, tati Dirección de Personas VRE ka tati Pastoral, ka fillke trokin. Ka femechi küdawalu fillke académico trokin mew mülenmew fillke trokin adkimün, Campus Villarrica reke, chew tañi mülen dungu Wiñol Tripantu, fillke nütram trokin che mew, kimeltun mapudungun. Ka müley tati Centro de investigación CIIR. Ka kiñen trür ngeafuy tati pu centro COES, CEDETI, Centro Desarrollo Local UC, Migraciones UC ka Red de Centros y Estaciones Regionales UC (RCER-UC). Kom feytachi dungun mew pepi müleafuy nütram ka tremün.

Tañi pengengeam kiñe küme troy dungun, mongealam antü mew, rakiduamniegefuy tañi müleam kiñe **Dirección de Interculturalidad**, nuwkülealu Prorectoría mew. Feytachi dirección kintualu chumechi tañi küme püramllengeal fillke küdaw konkülelu, tañi ngüneduamniegeam chuchi tañi une duamngen, fey ula kangelu, femechi rupalele tripantu.

Kiñe küme dungu feytachi trokin dungun mew, müley tañi kelluwal kake trokin mew tuwlu kake mapu, fey dew llenielu kiñe une rüpu feytachi dungun mew. Femechi may kelluafuy tati Vicerrectoría de Asuntos Internacionales VRAI. Fantepu tati trokin dungu nuwküley Auckland Universidad mew (Nueva Zelanda) ka Queenslad Universidad mew (Australia). Ka kompaley Pontificia Universidad Católica de Lima (Perú), tati Universidad Católica Boliviana San Pablo (Bolivia), tati Universidad de los Andes (Colombia), tati Universidad TEC de Monterrey (México), tati Universidad de California Davis (USA), British Columbia (Canadá) ka tati Universidad de Notre Dame (Australia). Ka femechi llemay ka rakidumtuniengey tañi küdawam Universidad de la Frontera (UFRO), ka Universidad Católica de Temuco, tati Universidad Católica del Norte, ka universidades konkülelu Red G9 ka DUOC UC.

Tañi kimngeal tati trokin fillkerumekimün UC mew, ramtuaymi feytachi link mew <https://interculturalidad.uc.cl>.





PONTIFICIA
UNIVERSIDAD
CATÓLICA
DE CHILE



Programa Interculturalidad UC

